



Bájkkeavijssa NuorttaSálto

Tæksta: Kitty Skapalen
Járggálibme: Divte Media AS

Rádjebálges buoreduvvá



Rijkarájan. Tsiikkim rijkarájan subtsas guokta nasjavnáj birra. Duobddága li avkkiduvvam ulmutjijs buolvaj tjadá rájá goappátij bieles.
Ved riksgrensa. En varde ved riksgrensa forteller om to nasjoner. Området har blitt benyttet av folk fra begge sider gjennom generasjoner.

Gávva/foto: Arctic Wilderness Experience

Guovllo le hiebadahedum ja kárta ja diedomáteriála li átsádum.
De le dal ájgge dagojt buktet Rádjebálggáj tjanádum.

Aktisasjborgoprosjækta Divtasvuona ja Jielleváre suohkanij ja Sørkaitum Samebya gaskan álgaduváj tjavtjan 2002. Guhtta jage manñela æládusoassálasste rájá goappátja bielen bivdeduvvi oassálasstájt.

Kárta ja diehtomateriála

Kárta le mihton 1:100 000 ja le buorre vædtsak gárvedibmáj várrevádtsemijda dájñ guovlojn, mij le Skjomenis nuorttas Kobbvatnij oarjjás. Kárta vuoset buorak láhkáj máhttelisvuodajt bæjvvásasj vádtsemijda. Bierri ihkap aj kártav stuoráp mihtoj adnet, vaj ienep diedojt oadtjo.

- Kárta állo ávkálasj diedov vaddá duobddágij ja sjattoj birra. Járggáluvvam le julevsámegiellaj, vuona- ja svierigadároggiellaj. Stig Gælok le riek buorre bargov dahkam, bærrájgáhtsemijn sáme bájkkenamáj kártan, javllá Stig Eriksen, akta prosjæktajadediddijjs.

- Ájggop giehtagirjájav rievddadit ja dárkkelappot dav dahkat, ja aj dav juogadit duon dán sajen vaj ulmutja dav máhtti ámastit. Vuojnnep lassemin berustimev lájdos ja ulmutja hálijdij birra vádtset, álu Gievstierdas Vuodnabahtaj

hálijdij vádtset, javllá Eriksen. Ádá láhko kártas aj boahtá.

Tjalmostahttem sáme namájs

Produktávdánahttemin ájggop barggat ávdánbuktemijn sáme namáj sisanos.

- Ájggop dajna vijdábut barggat. Sáme namá álov subtsastij gáktu duobddágin le ja luondov danna ja aj gáktu buolvaj tjadá li duobddágij ávkkidam. Svieriga bielen vuorrasap sáme sierraláhkáj berustin dát riekta galggá sjaddat, javllá Eriksen. Ja sihke Vuonaga ja álggorikaga ádá vuojnov oadtju gábdep ja stuoráp muossádimijn, miejnne Eriksen.

Aktisasjborgo moadda oassálasstij

- Ájggop aktisasjborgov Nord-Salten Turlagajn oassen sjaddat sijá vádtsemprográmas giesen 2009. Guovvamánon mij ájggop aktisasjborgov álgadit æládusiellemin rájá goappátij bielijn, vaj mannoæládusbuvtaga bálkka guoran dagáduvvi, javllá Eriksen. Sán jáhkka vádtsema oahpestiddij le

stuorra máhttelisvuohka mannoæládussaj. Dánna luonndo ja kultuvrra giehtalahkkoj vádtsi.

- Ájggop aj Vuodnabat sijdajn ságastallat rádjebálggáv vijdedittjat, aktan Nordkalottlájdojn mij Vuodnabadás Vájsáluoktaj manná.

Ruhtadibme

Aktisasj dájmadagájn ja jádedimjuohkusijn da guokta ráddnásuohkana Jielleváre ja Divtasvuodna li sihkarasstám aktisasj vuodov. Duola dagu libá goappátja suohkanoajve oasse jádedimjuohkusis. Tjoahkken produktbuvtadimoasse le 2,2 milijávnájda merustallam. 50 % dássta le juo Interreg'as juollodum, ja sihke Divtasvuona suohkan, Narvik Energi ja Vattenfall AB li læhkám ruhtadiddje. Svieriga bielen le merustallam birrusin guokta milijávná.

- Lip ávon gå dialogav galggap adnet æládusoassálasstij rájá goappátij bielijn, hæjttá Eriksen.



Kárta, giehtagirje ja video li oase vuosedallamis rádjebálggás. Dálle æládusoassálasste bivdeduvvi barggij buvtagij ávdánahttet tjanádum rádjebálggáj.

Kart, håndbok og video vil være med å markedsføre grenseleden. Nå inviteres næringsaktørene med i arbeidet med å utvikle nye produkter tilknyttet Grenseleden.